

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІң
ДЕПУТАТЫ



ДЕПУТАТ

МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Нұр-Сұлтан, Парламент Мәжілісі
20 __ жылғы «__»
№ _____

010000, Нұр-Сұлтан, Мажилис Парламента
«__» 20 __ года

2019 жылғы 4 қыркүйекте жарияланды

Қазақстан Республикасының
Ауыл шаруашылығы министрі
С.ОМАРОВҚА

Депутаттық сауал

Құрметті Сапархан КЕСІКБАЙҰЛЫ !

Мемлекет Басшысы Қ.К.Тоқаевтың Қазақстан халқына Жолдауында елімізде агрокешенниң дамуына жаңа серпін беру маңыздылығы, оның ішінде мал азығындық дәнді дақылдар өсімін арттыру міндетіне айрықша мән берілген.

Отken шақырылымда бір топ депутаттардың сауалына орай еліміздің Оңтүстік Шығыс өңірлерінде, атап айтқанда - Алматы, Оңтүстік Қазақстан, Жамбыл облыстарында дәндік және мал азығындық жүгери өсіруге субсидия беріліп, жүздеген шаруа қожалықтардың еңсесі көтеріліп, жүгери алқаптары жайқалып, көптеген дала еңбеккерлері берекеге кенеліп қалып еді.

Жаркент қаласында жаңа технологиялық негізде жүгери өндеу зауыты да жаңа қарқынмен жоғары тиімділікпен жұмыс істеп, мыңнан астам адамды жұмыспен қамтып келеді.

Өкінішке орай, жылдан жылға жүгери дақылының ауыл шаруашылығындағы маңыздылығының арта түсуіне қарамастан, ешқандай себепсіз, негіzsіz - жүгери өсірушілердің еңбегін ынталандырып, ол дақылды өсіру өрісін кеңейте түсудің орнына соңғы жылдары жүгери өсірушілерге арналған субсидия алынып тасталған. Оның орнына ешқандай басқа қолдау шаралары белгіленбеген. Жүгери өнімдерін сатып алу бағасы мемлекет бақылауынан тыс қалып, ешқандай негіzsіz төмен түсіріліп, құнсыздандыған. Қазіргі бағалар шығындарды өтемек түгілі жүгерішілерді қарызға белшеден батырмақ. Бұл – әділетсіз, әрі

негізсіз деп есептейміз. Жазғы кездесулерде, әсіресе биылғы жылдың ауа райының өте қасандығына, су тапшылығына, ұзақ мерзімді аптап ыстық қуаңшылық жағдайында жүгери өсірушілердің мемлекет тарапынан ешқандай қолдау, көмек көрмеуі – мындаған еңбек адамдарының меселін қайтарып, үмітін үзіп, шарасызыққа тіреп тұр.

Дәндік және мал азығындық жүгери өсіру тек жүгерішілерге ғана қажет емес, бүкіл ауыл шаруашылығы кешеніне, ет, мал өсіруге ел әлеуетіне қажет екендігін айтып жату артық болар.

Жүгерішілерге шұғыл көмек қажет!

Атап айтқанда:

Бірінші – елімізде жүгери дақылын өсіруге субсидия беру, тағы басқа ынталандыру шараларын қайта қарап, олардың тиімділігін белгілеу қажет.

Екінші – жиналған өнімді сатып алу бағаларына мемлекет тарапынан бақылауды орнықтырып, әділдікпен қалпына келтіру мәселелері бойынша нақты әрі тиімді шешімдер қабылдауынызды өтінеміз.

Сондай-ақ бейнетпен өсірілген өнімді дер кезінде жинап алуға қажетті техника жабдықтары, жанар, жағар майға женілдік шараларын жоспарлау да қажет.

Жауабын Қазақстан Республикасының заңнамасымен белгіленген мерзімде және болашақта қабылданатын жаңа шараларының жайлы жазбаша беруінізді сүраймыз.

**Құрметпен,
«Nur Otan» фракциясының
депутаттары**

Куаныш СҰЛТАНОВ

Мұрат ТЕМІРЖАНОВ

Альберт РАУ

орында. *O.Balašov*
тел. 74-64-14, 74-62-46
эл. почта: *balashov@parlam.kz*